

養知書屋詩集

養知書屋詩集卷五

湘陰郭嵩燾筠仙著

桂陽道中寄蕭石渠師三首

一片孤雲去鳥遲幾年盃酒日斜時  
劇談多少聽忘倦多病浮沈鬢已絲  
桂水郴山今夕夢雨帘風柝晚春詩  
著書歲月眞長計付與聲名澗壑期

得失從誰較尺尋飄然扶杖又巖岑  
浮雲遠近滄洲別列岫參差薄暮心  
峭壁嘯煙風出谷孤鐙黯樹屋依林  
山榴花有離披態一雨沈埋到夏深

一尊落日古城邊遠道依稀似去年  
怪石憑山終礙路

積湍漲雨欲漫田思家夢醒仍荒野對酒愁多入晚天  
東下洞庭看水漲歸來準伴白鷗眠

八面山

一峯出雲復入雲一峯雲半忽中分峯峯直下莫研詰  
惟有雲氣相氤氲蛟龍乘陰吐苦霧猿猱冒險顛幽隴  
沈埋萬古絕人徑飛鳥反顧思其羣嗟我以身試奇險  
萬一下墮誰復聞既生爲人具性命嗜好與世無猶薰  
天梯難攀命奇蹇安用乘風御氣離垢氛

鄧章遠席上遇雨兼示令姪悅三

春風吹園雜花開主人宴客傾尊罍牽衣躡屐走入戶

呼觴一飲三百杯鄉鄰頗訝客不速騎牆欄壁紛驚猜  
醉翁亭畔饒花石叢柯密藥知誰栽招邀好事發妍詠  
牆角爛灑如潑醅諠然一雨助狼藉平檐疾捲荒山雷  
須臾著樹已披靡花光亂入雲濤堆各言斯景足歡笑  
使我顧念成徘徊方春鋤鋤疾耕作漲雲洩霧無由開  
渠溝濬瀾江海灌恐陷澤潦成凶災解衣稅駕一偃息  
承簷注盞交誼厯君家諸郎盡玉立出拜冉冉爭來陪  
書裙灑扇醉眼愕倒冠據案相搪挨浮生浪跡豈有定  
曉塗峻阪車輪摧不如君家飲美酒閉門臥榻生青苔  
繞階花紅復爛漫萬事著眼如浮埃嗟予未暇從諸阮

爲書醉語畱山隈

與鄧君

五十老稱壽於古有定名君年四十耳去老多餘程元  
鬢無半縞兩頰鬢未盈階前三小兒長者髮初青少者  
盈尺長眉目朗含清幸及君盛年教養使有成疏通詩  
書義羅列簪與纓君行臥高閣撚髭手巨觥吾亦捧君  
觴醉君東西楹奈何始強仕以壽私自營出箋索題句  
云以和管笙嗟予亦三十曾未爲重輕周孔所不違常  
懼德業傾作詩雖云佳未足揚子聲浮沈與榮悴計較  
鄉里稱聖哲參兩間固異比俗情恐懼文字微浪費匪

爲榮乘酣吐胸臆老興誰當賡從此至耆耄恢恢以全  
生長無忘此詩善鳴假之鳴

病風寄示仲毅

衡陽去桂東水峭山嶒崎其里千有餘艱哉驅以馳微  
官乏職守在家恆苦飢得餐膏吾脣詎惜精力疲春氣  
非常乖旦暮變滂曦鬱蒸作嘔噦流滑行險欹瘴厲忽  
侵身脹若醎與卮痛癢關吾膚爪甲不停披厖然累脇  
膀舉體無所施嗟風撓萬物掇攬當春時土膏不甲坼  
頑然中人肌我實羸瘦軀矗立枯樹枝形模頓乖異肩  
肩而支離子季視我肥泣涕初臨歧恐復夢相值體幹

旋參差微生凜多難感歎以獻歛猶恐名實乖重令賢  
達訾

陳以巖飼鶴圖

陳君好奇入骨髓臥起桐陰一牀水白鶴可馴更飼之  
青田俊翮雙飛起戛蒸湖山寄曠浪飲啄低昂深屋裏  
蒼顏白髮老相對瘦石長松澹如此問君心意竟何屬  
道巾羽服桐陰底我方注籍蓬萊峯神仙官府聊復爾  
稽康本自乏仙骨盤囊索食詎非恥借君道錄飽鑽研  
跨鶴排雲出泥滓

別雷大令

對

桂東實巖區水悍山硃磳我來亦何爲蹴踏螭虎窟巉  
天荒萬岫何路許飛越奔騰霧雨際稍休得請謁開筵  
霑我脣渥水晞我髮吐辭相賡諧戢戢比鵜廕羈畱日  
遂繁屋角見殘月今晨車脂牽祖席促曉發掇拾聞見  
餘別語麤恍惚此邦民猺雜巖穴互出沒洪荒未疏剔  
剽悍類鷹鷂問君挾何術以與爲榘楨君言吾有道御  
蹇戒排突常使民氣交如車倚轅軌周防示之程不以  
利欲汨深山斷還往坦步無冠襪吾愛其瘠磽終歲飽  
糠粃但欲陳土風感歎憂至骨小邑幾家居大半堂前  
卒磨身舐民膏有類蛇與蝎幹排操之急如以薪救渴



遣除諒不能含噦祇兀兀語君此無難翦伐在株槩上  
古胥史流所職惟耕堡誰能遣歸農曠土可勵掘縱轡  
弛羣蹠得不顛且蹶予叨論思地無補時政闕君無自  
貶抑顯顯羅麾鉞幸先平其理濟水利簿筴尤防敗乃  
羣不憚施撻伐所歷誠優優亦足慰飢渴吾甘孱拙資  
歸老茹藜蕨

江行戲作

江湍風復逆悍急不容舟苦累楫與篙力爭千里流頑  
然無挫撓抗憤恣所投怪此百雷霆窮冬舞元蚪蛟龍  
怒何事水底窮捕搜狹路蹇相尋忽如同仇讎偶貪江

一折張帆趨上游拍手招天風寧能困我不神鬼笑一  
噫汝窮皆自求寒餓豈不佳曷不安林邱舟車何罪辜  
頓簾不自由軸折舷亦敝斯實誰之尤汝究安所得束  
縛成羈囚尙不疾追悔逆天以取仇反風拒所向突若  
排戈矛舟人久恟恍謂子胡不休此風爲誰欺君幸默  
自籌茫然久無對吾道誠淹留幸今及陳力逢人乞鋤  
耰舍汝江與湖忘吾樂與憂無求與無怨於身豈不優  
悠悠何適從神鬼豈與謀嗟吾與此風萬古一浮漚蒼  
茫墮驚魂欹枕吹寒飈招魂飲之酒聊可盡此甌

耒陽縣

春風春水送吹噓江上孤城落照餘  
漠漠衡陽天盡處瀟瀟江浦雁來初  
清渠放溜添朝雨野火兼星出晚墟  
酤酒提壺人世事杜公亭畔略踟躕

葉大令梅花畫冊

梅花如幽人清澹不容攀脩然坐我碧溪上  
淡雲寒雪飛晴山君家松陽山水隅飽看孤山  
五百株斷橋流水幽絕處對花寫影爭清癯  
四明姚宓天下奇就中梅格頗支離西湖天  
遠夢不到明月掩暎空山枝洞庭風滿春  
波注長帆戢戢向江路爲君歡笑來何遲  
故園梅花今滿樹

與戚天保莊心庠

任瑛

黃清熙

雷封葉維藩

六明府會

飲怡園三首

人生屬有役歡會諒難常  
暫聚復幾時共此鐙燭光有  
酒且酌斟清宴陳高堂  
名園負城陰樓閣相低昂  
奔走官吏徒呼道走傾觴  
宵嚴官鼓沈慘慘天飛霜  
舉頭看星斗秋露霑衣裳  
停杯莫盡醉萬事空茫茫

我家洞庭隈天水互迢遞  
江流失故道泛溢無寧歲大  
戶生蓬蒿小戶逃租稅  
設官爲民牧實資長久計  
民氣鬱不揚恐懼成灾沴  
屬望君等賢所憂亦不細  
遐哉兩漢治無使久淪替

英英衡陽伯議論奇亦頗語余賢令尹計數無一可極  
口同年生夙許今皆果賢人負聲譽所至常嵬峩提攜  
令名去造意與時左我方抱鉏犁閉戶營瓜棘趁今倒  
芳尊牆菊紛婀娜酒盡天南征載理衡陽舵

贈劉一兄

蓉

八載一相逢歲月誰程限蒼然頭髮變寂寂當杯醖蹉  
跎遽三十俗榮未挂眼窮居積詬忤因緣登訟版偪仄  
使人憂先生一笑莞平生師孔孟涉念先魏報兀兀陳  
蔡間仰屋思狂簡小夫浪悲喜方寸起巖棧廓然吾何  
有六籍敝編剡先生眞有道萬事無擇揀龐閔外坦易

縝密中瑟僂廟堂求內治世士功名綰蹇予獨懷私相  
顧淚潛潛撫時起慨歎淪身在崎嶇欹枕看孺騰寒空  
飛撾撾山林自尊寵詩書方論撰別顏始一展促駕當  
高巖寒江墮曉月磊落星如璣山川辱照臨見憶勤修  
柬

寄贈毛廣文

英卓

冥鴻息寥廓豈曰稻粱謀低心營飲啄已足異常流毛  
君手一經閉戶事雕鏤學徒日三五講論孔與周束脩  
雖少致不能潤吟喉鄉里頗奔走屑屑從之遊屈潭水  
清漣微雨可方舟秋盡溪竇閒叢竹晚修修書來索題

字盛意誰能酬鍾張世罕覲俗筆縈蚓蚺詩以導吾忱  
庶用慰綢繆

匡紹錢西村止宿圖

亂山圍戶水當門醉覓田家老瓦盆明日天涯誰問訊  
白雲黃葉滿西邨

江南天盡萬峯環世事浮雲值等閒賸覓天台老藤杖  
闔閭祠畔買青山

潭州別仲毅三首

小泊潭州郭乖離一夢閒帆邊風滿樹江上霧沈山侍  
從人爭羨馳驅自不閒春風鳩鵲觀簪筆望來還

世事原多感生謀豈謂難古人同鹵莽今我忽悲歎妄  
想眞無賴何時託飽餐祇應身自幸浩蕩極遊觀  
聞說韶陽郡橫行盜賊多虎狼防竄入烽燧恐傳訛此  
輩終乘間微生願荷戈無勞相憶苦投袂事如何

永興驛次館人韻

古驛微雲向晚天此身與世兩悠然小橋山郭斜通水  
細雨人家趁種田鄉國幾時斷消息故人天際已聯翩  
多慚旅館逢迎者吟罷高眠六十年

漢水湘雲遞雁聲圖爲夏觀察

廷樾作

人生蹤跡秋飛鴻亦有兄弟西復東故山泉石解相笑



不見老屋欹霜蓬使君五馬一馬驄大受偉烈今隆隆  
兒童牽挽不忍釋所至歡惠如春風漢陽太守人中龍  
聲名兩兩摩蒼穹楚歌楚舞互相羨夾江爲郡開鴻濛  
古來兄弟亦有此穎濱逸安儋州翁君家金紫滿朝列  
又與二子殊窮通不須雲水恨迢遞斷幅已見秋山重  
渺然瀟湘過朝雨尺波夜漲吳王宮嗟予兄弟苦流散  
蕭疏落葉悽梧桐無能忝竊天家祿又此慘廢成疲癯  
干戈水潦乘時疹幹運元化資羣公阿兄復持東海節  
往看落日蓬萊峯大邦齊楚實鼎峙遂開節鉞交衡嵩  
爲憑雁語遞滄海摩崖作頌書崧隆

赴湘潭趙廣文

璘

枉贈次韻奉荅

春江水漲拍天流乘興扁舟汗漫遊  
送別偶然停履屐開尊何意傲公侯  
湘波直下三千折詩律須輸一百籌  
遠辱傳箋相贈荅雲迴風動黯江洲

再次嵇

讚

見贈

早歲期君第一流中年諧笑得天遊  
大兒不數孔文舉短詠誰過沈隱侯  
一水浮沈通晚泊眾星明滅靜宵籌  
回頭卻笑天邊月獨伴征帆卅六洲

聞振清樾生及仲毅弟會次前韻往復至百餘首作此  
訊之

長羨諸君嵇阮流閉門日與古人遊豈知曠蕩乾坤霸  
讓作牢愁草莽侯頗憶舊山畱飲榻爲憑歸夢遞詩籌  
奇篇不遣慰飢渴試覓鯉魚江上洲

書歎

去年七月半月雨草死田中穀埋土今年一雨二百日  
魚鼈哀號雜人語江聲側灌風倒吹千門萬戶無晨炊  
泊泊一例四海沸書生顧步心懷悲

三日不得粥一甌溝壑死骨橫如邱典男鬻妻作朝哺  
一家小弱盡不畱手持衾裯易一食恐懼訶禁有慚色  
聽飽捲還三歎嗟不忍乘危取賤值

使君行災履災處出入泥塗忘沮洳綢繆發粟兼勸輸  
既夕議成朝拜疏天行失御陰干陽雨聲瀟瀟夜復長  
雨聲未已哭聲作傾囊往哺無儲梁

東方曼倩歌

武皇開邊八千里聯翩衛霍乘風起上書待詔東方生  
跌宕談諧聊自喜西山王母種蟠桃千年一實難重遭  
捫天一噉墮塵世秋霜滿鬢風颭風醉入仙宮踏雷雨  
老作狡獪尙如此侏儒且飽臣苦飢胡不歸言漢天子  
岸花亭小集和陳刺史

湘水來經卅六灣振衣長嘯叩禪關暮雲江浦高低樹

卷五  
細雨淮南大小山泛泛鳬鷗孤棹外沈沈鐘鼓一樓間  
盛唐遺跡花飛盡楊柳津亭尙耐攀

斷雁依依卻座聽閒階來往惜修翎極天草樹冬來盡  
長日雲山閣外青照水忽驚生白髮閉門未擬著元經  
同君一曲瀟瀟雨莫對芳尊笑獨醒

召伯甘棠圖題贈朱大令

孫貽

岐陽陝右周所都二千年事餘榛蕪秦松漢柏亦已盡  
甘棠之樹猶完株傳聞召亭一枝在花繁葉密根本麤  
洩霧濤洶渭水黑排風勢偃蒙山孤何人一見歎奇絕  
鑿石寫相畱山隅空堂雷雨走晴霽尺幅霜雪來崎嶇

偶然柯幹落吾手嶺猿山鳥爭謹呼蓬茅不敢汙神物  
持配使君青毯璫豈爲封植得嘉樹使君固是斯人徒  
已寬租稅安閭井更刮盜賊窮荏苒興廉立懦講孝弟  
盡化愁歎爲歡娛大賢舉事量百世亦如此樹無彫枯  
兵焚火蝕長在眼人意所惜神爲扶邵陵儒生頗好古  
援引召伯言非誣陋邦感化尙名邑況乃身使民氣蘇  
要令致理到聖處持贈有意非關諛春風桑柘起相笑  
願奢操約徒區區請君無忘此詩意萬有一失如此圖

宋司馬

翔鳳

罷官歸江南

少小挾書策頗懷高世名微軀應世紛往往見老成先

生五經笥談笑四座驚置身山岳峻落筆江河傾愛其所著詩眾雅會咸誦贈書三月讀虛篋俄充盈往者大興公招賢每連觥獎擢必時傑羅列皆公卿嶽嶽湯黃流秋堂其短檠才名三十年稍舒頭上纓向來師友間感激流英聲時衰耆舊賤道阻驂騑輕側足班行內長歌激縱橫時無太傅賢薄宦信枯榮後賢相炫赫老氣徒鏦錚忽棹湘江船長嘯滄浪清吳淞美秋鱸洞庭垂霜橙告歸恐後時揚帆秋水生在駕草堂頗抱書臥空楹蕭條復三十空負後來英虛懷濟時願永念休官情他日憶山堂畱證江鷗盟

養知書屋詩集卷六

湘陰郭嵩燾筠仙著

雨

薄暝蒸秋炎四野奔雲集微風顛我舟萬阜與拱揖沈  
昏遠山失散落飛雨入夏摩檣帆直擎踏波濤立茫茫  
江霧白岸火時吸翕

秋柳詞同陳懿叔作

倡條冶葉倚秋深分付哀蟬斷續吟暮雨青蒼無限意  
淒涼猶是故園心

章臺往蹟詎堪論賸與斜陽斷客魂一角寒山天外影



昏鴉落葉滿間門

雨霽望嶽

夜雨朝復霽悠然雲海閒蒼蒼萬里日楚楚一城山巖  
壑宜餐朮松篁好閉關李侯煨芋處絕境渺孤攀

夜行

氣肅秋天夜風寒獨客身江心遲出霧山火遠隨人鼓  
柝荒村寂松櫟老屋鄰宿鴉翻樹起頗怪客來頻

夜宿三元宮

遙夜江山靜叢林檜柏幽星雲依絕壁泉石帶殘秋殿  
壁鐙微暗階池水細流道人知客意置酒對林邱

接龍橋

朱明峯斷鬱嵒嶷磴路梯空有石橋天盡白雲歸澗壑  
秋深黃葉下煙霄衡陽王氣終茫昧宋代風流久寂寥  
薄暮疏林風響竹似聞天樂奏鈞韶

玉板橋

尋山兼得水源長路轉南岡出北岡塔寺傾頽依斷壑  
石泉灑落度飛梁高巖地僻畱仙蹟古壁苔深聚佛光  
斜日西林聊徙倚疏雲暮靄轉青蒼

寶勝寺

古剎非今日淒涼有斷垣天晴泉挂壁寺小佛當門入

戶星辰大畱人鳥雀誼棲禪三百寺問訊幾能存

鐵佛寺

嶺上斜陽挂疏木老僧將佛臥空谷客來撞鼓還擊鐘  
埽階延坐莓苔綠指觀佛殿已傾頽莫惜禪房自拘束  
門前士女去如雲花果照山紅簇簇空階納首塗泥地  
大箔輸錢鼎然燭老僧收錢起款客還買泥芹燒苦竹  
信知一飽爲私營苦說空山能避俗浮生變幻安足論  
回首蒼巖響飛瀑

九仙嶺

高巖積長陰赤日下平地霏微見城郭指點入蒼翠奇

峯翼我前矯若星離次迤然絕行徑煙霧轉深邃松根  
走石上夾道落寒吹堅蒼無婀娜霜雪死顛顚風雷怒  
乾號仰面悽已悸天浮一握近石壓兩崖墜吾甘嬰奇  
險前步請身試

觀音巖

祝融山半路眾壑已奔會劃然天地迴歛吸巖谷大嵌  
空出竅穴滄壁作湍瀨氣蘇雲霧底勢壓星日外萬古  
高臺寺偏側斯山最時有放歌人兩髀沒蓬艾羣山洵  
吾前浩若江河沛孤懸絕翔走遠色赴煙靄何時覓幽  
處卜築依松檜

養知書屋詩集

卷六

三

會仙橋

眾石抵羣巖山色如積鐵巨靈賭一擘蒼巖怒中裂劃  
落大峯西夜半風雷掣孤撐太古石倒劈無根穴何人  
駕高橋梯空頗巉絕飛登足垂外十步九杌隄不知日  
月尊何路容飛轍猶存欽寄勢空使苔蘚齧自非軒轅  
集欲往誰能決

祝融峯

羣山拱一尊屹立互虧蔽交通鬼神祕閃爍天地閉因  
緣涉其顛忽悟疏洩勢嵯峨萬龍虎東與長川逝五峯  
雖矯特前立若環衛紫蓋折而西控扼當一睥虞周及

邃古假物用牲幣奔騰雲霧合瀕洞天人際至今走巫  
祝斯事已旒綴惟餘好事人登覽出晴霽盤陀山上石  
撐拒有根柢風雷與頓撼川嶽增迢遞高步觀日臺軒  
然豁蒙翳

上封寺

雲外迢嶢境登臨所見稀山川雄氣勢草木失光輝石  
壁泉鳴谷巖房霧溼衣登封何代寺駕鶴儻來歸

觀日臺

曉氣生殘夜鐘聲出上方海山天遠大樓觀日蒼涼霞  
泛千山曙風嚴八月霜參旗捎太白東望意何長

丹霞寺

頽林破瓦散如星古寺巖扉白日扃  
凍雀踏枝翻落葉細泉走壁挂秋屏  
幾人破帽愁寒雨何處空山覓伏苓  
寺下老僧無世事拾薪燒筍坐談經

方廣寺

羣山西趨如注射幽人緩步得追跨  
巉天萬岫煙霧荒漲日千巖風瀑下  
奔騰幽賞到谿谷曲折繁陰亂松栢  
異境稀逢檜柏幽茲山偶荷樵蘇赦  
巖回古寺石欄轉風動疏林霜竹亞  
短垣欹側繚山川往日丹青盛臺榭  
老僧呼火照碑題古屋生雲眠石罅  
粗飯來供鐙燭暗

寒泉細瀉星河夜木魚報曉凜霜淒竹杖看山及秋暇  
人生歡會已難再歲月崢嶸甯少借此景生平猶可追  
丈夫萬事誰能謝

晚謁二賢祠呈劉霞仙

竹柏階堂肅林泉節候淹昔賢畱一宿落日尙重檐山  
雜莓苔古雲歸洞壑嚴秋堂餘靜味石瀨夜漸漸  
往昔經過處追尋漫自誇雨添幽澗水秋倚晚叢花問  
道能無意歸山或有涯星河天炯炯今夕照長嗟  
洗衲石

半山蒼翠浸寒天一掬清冷落晚泉坐倚風巖平徙徙



卷之六  
三  
穩傾湍瀨細涓涓白雲久駐盤陀石落日來參布衲禪  
乞與一杯歸問法秋潭驚起老龍眠

石鏡潭

山如削玉水湍珠潭上雲煙出畫圖石瀨注溪三四尺  
野榆夾澗萬千株寺壇幢影風鴉散巖壁松聲水鶴孤  
此景人間應少見便將石鏡擬蓬壺

黑沙潭

高巖下奔洪渴日暗深谷天風四飛揚數里見懸瀑咆  
哮前沫噴浩渺澄潭蹙旣放乃渟洄激使奔騰速巉削  
兩巖張窰深九溟伏見石不見湫動與龍抵觸海師擇

勝處迴壓天地肅交加萬木陰隱隱雲氣覆七十二峯  
間繚窅斯巖獨端須百斛泉聊遣塵心沃垂瓶取深嚙  
清寒不敢掬

自蓮花峯南行午憩東林禪寺

空山曉霧埋荒蹊起踏澗石湔塵泥雞鳴上樹日初出  
脩竹挺挺長松萋盤旋到寺已停午磴路上與雲霄齊  
山深煙重浩一碧蒼翠不辨查與梨十年江海寄曠浪  
走折屐齒無常棲鏗然笙筑感我耳肯放石溜鳴寒谿  
諸君皇皇復過我念欲汲引無階梯徑思歸田刈蓬艾  
力薄不任荒山犁徒言買山學歸隱空囊百索眉還低

看知書屋詩集 卷六 六  
豈如偷閒事遊覽走送落日窮崖西猶愁別後空行迹  
寒泉白日餘酸悽君看蒼苔涵寒雪道旁古木爭畱題  
猿猱導客有深意有暇弗厭勤攀躋

水簾洞

衝風奪微雨石徑漬餘潤沈陰巖磴滑捫探雲壁峻寒  
溪遞頑石離立如森刃交飛百道泉赴壑走雲陣朱陵  
太古洞壁削八千仞奇蹤天地闕飛沫風雷趁奔騰九  
河翻皎潔孤月印仙人垂空簾端坐但一瞬杳冥金石  
奏晃蕩雲霞襯猶疑丹竈水陰風扇餘燼

謁衡嶽廟

南方朱鳥如雲翔祝融矗立天一方穹巒複嶂莫研詰  
劃然天地隨低昂五峯控列次相及紫蓋西折如騰驤  
升巖坐石久屏息捫壁不敢窺穹蒼高檐大棟倚巖巢  
側身下矚千尺强當階薦醴鐘鼓作危柯古壁交青黃  
窮荒畱滯易節候遠隨南雁辭秋霜偶然拄杖看朝日  
倚岫睨海雲飄揚蠻風毒霧苦未習山川信美非吾鄉  
朝廷致理有變革吾儕流落難具詳金編玉簡盛文字  
念此欲究愁冥茫山深路遠起何適回首人間憂患長  
曉至南臺寺

嶺上松聲處處聞南臺曙色近秋分高崖放溜千年雪

古寺藏山四壁雲塔院曉風鐘暗度石林晴日草微薰  
藥巖醉礪非吾分且欲南尋岫嶠文

山行雜詠

歷歷山川景平生實飽諳五峯猶夢裏一舸落天南嶺  
石斑斕古巖泉淨碧涵林鴉能喚客幽處試躋探

勝地黃庭觀昇仙萬古壇松杉晴似雨巖壑晝常寒宿  
藥畱風竈飛泉挂石欄高臺紛落葉斜日白漫漫

臺觀參差過林園取次分寒巖煙吐日古壁石生雲歲  
晚餘花見天晴細草薰盤陀空谷曉竟欲絕塵氛

三百棲禪寺雲山勝業開樓臺天影過橘柚雨聲來汲

水泉鳴澗烹茶雪滿壘叢林無半畝欹側坐莓苔

頗愛雲居谷平分水竹清羣峯當一角半里似孤城嶺  
樹籠雲小谿沙漾日明還登高阜望原海盡東傾

陰洞風雷轉奔湍日夜號巖深天隱閼雨急樹刁騷江  
漢頻年溢魚龍八月高防君滄海去增長作波濤

聞道秦時樹多生巖石間我來尋檜柏遺憾滿雲山寂  
歷疏林晚坡陀積石頑終存太古意白日照蒼顏

到處題名石哈呀似斷碑登臨前代蹟寥落幾人知霧  
雨蒼巖冷林泉皓首期遺文傳岫嶺指點到今疑

棲真雲母石上有列仙居撼撼朱陵鶴喁喁碧澗魚殘

僧蕭寺臥痠骨老松如儻遇西園逸相從問道書

鑿石能開屋依巖好種田桑麻圍碧岫雞犬上青天晚  
稻秋風熟高歌白日眠人間渾未識莫遣此詩傳

槎枒山上石往往似奇峯古洞禽巢穴深巖鹿養茸泉  
疏開闢水陰合淺深松頗識朱明氣吾將策短筇

萬海林前路殘秋樹未凋山川忽異縣松桂得干霄澗  
水宵鳴壁溪雲曉渡橋道人供筍蕨相對髮飄蕭

地僻耽幽意時清託放歌星河低戶入霧雨暮山多說  
法龍能聽驚秋雁肯過南軒講堂在石徑閉松蘿

風日延清景江山得勝遊陰晴雲屢變分合水交流異

態峯巒晚新涼寺觀秋吾謀自迂左投老事林邱

夜與陳懿叔談山水佳處

蒼巖白石悟平生一笑人間萬事輕草木自餘秋後意  
山川畱證遠來情杖藜古道寒雲色撥火秋堂細雨聲  
商略此時清味在依然參斗夜深橫

且隨猿鶴寄煙霞野菊山礬作晚花亦覺青山非世故  
偶逢脩竹卽吾家寒宵風雨來煨芋明日園林學種瓜  
一啜清甘詩滿聽爲君重瀹紫溪茶

楊大令歸田圖

平生耽靜已成癖徑欲歸山買泉石依然袍袴走塵沙



空有雲山隨履屐吾儕正當置邱壑使君豈意耽窮僻  
衡山峩我七十二坐對飛泉挂巖壁長使聲名塞溪谷  
安用琴尊狎煙磧謝安自不忘東山幾聞造次收朝籍  
世人侈口談廣受老死山崖究何益昨宵草木變秋聲  
半榻雲煙飛屋脊達人心遠不吾欺擾擾人寰空咄咄  
嗟予竊祿豈辭晚歲月奔騰賭一擲寒梅老屋甫成林  
別後苔痕應幾尺人生窮達要有數未必歸田定良策  
南高峯頭望滄海咫尺孤雲渺遺迹衡山李沁知此意  
相呼巖下栽松柏

示石笏瀄溪兩道人

天半雲山眼秋來但憶歸憐君如落葉送我忽斜暉野  
鶴翻巖樹山泉隱石扉羈人妨雨雪非肯故相違

涓溪拈花圖

臨水登山亦有因此生宜與道流親拈花一笑知何著  
著在維摩病裏身

書鶴傭詩後兼示西枝

吾鄉兩僧少鶴傭與西枝西枝靜溫雅濯濯瓊瑤姿鶴  
傭稍俊發玉立而脩眉揚聲哦楚風清颺蕩漣漪吾憐  
吳伯翼爛醉多文詞老蒼無事業詩律窮清奇寒風手  
一編偃蹇披我帷開卷讀復哦寒花擢江蘼鶴師聽濤

居春波盪湖湄置身蘭芷間芳忻以紛蕤嗟予廢聲律  
臥疾愁寒曦僧徒匪俗觀有來觸吾悲方今與朝列多  
及壯盛時安能冠其顛論列於丹墀君看齊貫輩窮年  
守茅茨作詩雖云佳無異蚓竅吹雖然清淨中澄觀湛  
秋池敷餘眾妙生澹沲朝華披問道得其微約取而博  
施吾言頗乖俗還與兩僧期

爲高處士

寅亮

題雪韻樓詩

冬寒貂裘被時傑嗟君破帽當冰雪日晚鳩房棲比翼  
嗟君獨榻長嗚咽布衾夜擁寒如鐵探丸起死空畱訣  
一家祇惜少君賢十載能全老萊節將雛轉側失鴛鴻

方春恍怫聞鷓鴣空許遺編淩謝鮑誰忍忘情效莊列  
西風吹雪花漫天冒險遠泛瀟湘船欲語回頭淚迸泉  
爲君起舞歌扣舷強顏作達以爲賢收藏付與佳詩傳  
垂名照世無窮年吾言雖俚君謂然世事變幻空雲煙  
將赴甯鄉先柬齊大令

德五

三首

落日瀉江北青天嶽嶺西溪橋浮木過村樹避檐低農  
務茅茨急山程棘刺迷遲迴寬望眼相就勉扶藜

談笑經時別憂懼觸緒多風雷松響澗霧雨蔓垂坡衰  
白爲官好浮華閱世過阿戎才潦倒幕府意如何

蘇晉持齋律揚雄述酒箴客情防盛饌旅食任浮萍晚

葑舒苗白香芹過雨青東軒堪一飽迴駕促春星

訪廖大令

宗元不遇

聞君埽榻古城隅頗憶城西酒可沽乘興暫停雲外騎  
望塵還想日南島漲溪殘溜隨消長過樹疏星乍有無  
他日相思愁不淺江天無地訪潛夫

譚處士海上釣黿圖

蓬萊鬱鬱金銀臺赤日照耀丹霞開六黿浮海駕山來  
持竿引綸海濤起排蕩入溟天萬里安期羨門今已矣  
我思斬蛟西海頭出門仗劍還獨遊寒雨颯颯枯樹秋

養知書屋詩集卷七

湘陰郭嵩燾筠仙著

九日嵇樾生招飲吳氏大觀樓以樂天一年年覺惜重陽句爲韻賦詩七首

黃茅城頭低落日寒煙敗柳秋蕭瑟  
高樓倒矚長江流微雲淨洗青天出  
生平萬事委黃埃對酒舒懷百無一  
爲君起覆盃中淥擘阮調箏竹林逸

晴秋白日清且妍玉池蓮花高插天  
湖波漲晚晃相射盤旋下有蛟龍淵  
徑思理簪下洲渚刈蒿束弩相周旋  
顛風催秋歲行盡失計昨歲還明年

嵇君才名三十年題詩自詡筆如椽朝菹列廚飯百饗  
夜榻支壁分半氈三時不乏鮭菜約一飽得課瓜芋田  
吾方晞髮向江水欲覓稽山棹酒船

雞鳴上樹聲喔喔白日苦短歲還邈樓頭片月皓已升  
星斗插檐天一握江湖徂秋雨失時邊關健兒夜吹角  
低徊酒盞照悲歎萬家昏夢無人覺

危樓迥出蓬蒿宅湖波照檻平如席茱萸壓鬢滿秋霜  
回首風塵幾兩屐人事長隨東水逝邛山零落空嗟惜  
歸來自笑長卿居塵土污人家四壁

鐵城西接鎮鄒峯煙昏霧暗藏妖烽崑崙天關動殺氣

瀟湘日暈圍三重

初四日暈

廟堂尊宿無籌策壯士撫劍

奔羣龍焉知浮沈酒杯裏當筵醉臥欹長松

曾君當世一鳳凰五疏直上鳴朝陽劇談偉狀倚夢寐  
四年不見心爲傷蘆溝橋頭作重九臨別見許崔李行  
灑淚江皋望南斗空殘天祿校書郎

次韻趙廣文

璘

四首

三十堪頭白勞勞亦未休一帆黃葉落三日晚風愁窺  
水無高鷺耕山有病牛湖田少良歲蕭瑟故園秋  
趙子巧言語著書成一經秋風茅屋歎夜雨草堂靈奔  
走賴魚尾飛騰落雁翎高才百無補期子在滄溟



桂林兵事急日月羽書來大將星辰上孤槎水石隈寒  
天催短景高臥想奇才銅柱功名在多年沒草萊

生世如鷗鳥年年水上浮壯夫多感激諸子日咿嚶近  
岸煙生樹當山日隱樓弟兄嗟異地飄泊又潭州

楊千戶

載福二圖

畫虎

秋河闇空星斗大曠野蕭條豺虎臥塵埃漲天行路稀  
掠耳但怪腥風過西方狡獬亦能飛破膽伏地無光輝  
書生不能徒手搏拂衣歸采南山薇

山水老屋

山頭種樹屋底竹編茅自號幽人谷雲深谷暗獨行遊  
朝呼醬鹽暮飯粥吁嗟此樂吾弗如裹糧負劍無間居  
請君洗甲呼鐵騎待上長卿校獵書

次韻龐大令

作人

感事兼呈莊司馬

心庠

兩載棲皇憂世變一尊談笑見交情人才安見今非古  
世事徐觀險亦平當道委蛇無遠略書生感激累狂名  
似聞六月休兵甲早晚秋風起旆旌

玉節身麾據上游孤帆江浦且遲留天回星斗皆南拱  
水散蒸瀟向北流千里揭竿殘破膽十年煨芋肯埋頭  
紛紛幕府歸帑意莫認功成范蠡舟

移居

風塵瀕洞已三年巖壑崢嶸自一天萬岫高低雲慘慘  
一椽開闢草芊芊諸軍霸上眞兒戲此膝隆中或苟全  
夜半鼓鼙驚枕席更愁無地著安眠

胡刺史

鑪

招飲東園

時事艱危國論深壯心低就酒杯斟西風鼓角孤城遠  
細雨茶蘼小苑陰大邑名賢心灑落青春雅集夜蕭森  
何緣料理平生事一臥滄江鬢髮侵

倉太守

景恬

見示先世手冊

疊架琳瑯趁晚筵故家遺墨喜重編清渠照檻泉含雨

幽閣生雲樹拂天少日趨庭事秋蚓三年倚壁著枯蟬  
破書堆屋塵生几回首家山亦愴然

奉觀倉悔谷先生所臨各家書

歐顏虞褚世無有百年卻見雍邱叟脫帽淋漓墨汗首  
使君南來歌楚風百書裝橐一馬驄指點遺蹟春燈紅  
幽花墮檐月照屋乞與雲煙堆半幅歸擁殘氍臥空谷  
嵇樾生牡丹畫幅

金邱眾據無卓錫裁冠見詬塵生髭發狂吐韻自傾倒  
萬事天定非人爲君看浮雲動寥廓起滅滄海無還期  
春風吹蕩繁華夢名葩大蕊紛葳蕤時來麗色自矜寵

不見妖萼攢霜枝我生念此良自足委棄世事從酣嬉  
僮奴誹怪此何意力雖短詘能嶽寄曷不媮閒美衣食  
呼吸富貴聊逶迤書生窮腐例到骨蹇劣未要黃金羈  
橫流滄海閱人代方寸五嶽生巉巖偶然舐筆懾狐兔  
要收鬼魅供鞭笞遂令好事紛傳誦疑此神勇當貅貔  
文章戲耳安足錄以心役物無已癡不如浮雲看世事  
忍飢坐嘯荒山陂功名百事不挂眼聊此醉夢窮寒曦  
根株判斷竊名號一日感激千崛奇灑圖醉語君勿哂  
攘攘天地空號悲

丁伊輔學士邀同羅研生陪曾侍郎遊嶽麓寺

亂雲擁路寺藏門來共山翁倒酒樽孤閣晚晴千嶂小  
六朝殘雪五松尊望窮城郭連江霧秋盡溪潭落漲痕  
話舊名山陪駐節寺鐘齋火亘黃昏

嶽麓山屈子祠

楚臣餘憾到江村一徑煙蕪晝掩門遺構山川仍故國  
滿庭蘭芷黯歸魂驚鴉墜葉隨高下暮嶺孤雲自吐吞  
亂後樓臺知幾在壞牆銷盡舊題痕

萍鄉道中書感三首

江西西望接吳京吳楚同連險要爭細雨孤城今日過  
秋風華髮昨宵生衡廬異地連天盡章貢交流到海平

盜賊縱橫遽如此憑誰省識亞夫營

海南霧雨漲高秋十載沈霾萬國愁小邑炊煙朝慘慼  
淒風鼓角夜刁廳中原積貯知何似內府緡錢要細籌  
鼉憤龍顛莫渠問本來滄海已橫流

三年憂患愧生存已辦微軀付灌園六月戎行塵慘澹  
幾人書劍氣騰鸞叢櫺障日欹山閣敗輦浮波暗水村  
宿草師門餘涕淚

喻鳳光  
庶子師

重來斗酒與招魂

羊頭嶺周氏莊

大旆高車日又曛數家茅屋半山分林深路隱偏宜夜  
雨盡天低不斷雲村釀聊供瓜果會官程猶肅鸛鵲軍

當壚莫怪將軍少新製揚雄校獵文

感事五首

天下兵常鬪書生道固窮徐揚雲不定楚粵水兼通陣  
色朝昏變兵端今古同鍾山足形勝滾滾水流東

世亂非今日兵驕亦有年國家存法令將卒苦周旋  
豈足防關險空能擾市廛健兒冠被好不必修鵞肩

萬國提封遠諸州控衛多句當皆曠騎部分足雕戈但  
幸蝸居穩終如蟻附何暮途思猛士蕭瑟大風歌

古法租庸絕長途驛傳煩搜求窮小邑誅斂遂多門領  
縣紛無色徵兵轉益繁亂離有今日本末莫輕論



主聖臣非佞民勞法未疏徒言才蹇缺竟使國空虛盜  
賊輕弓矢 朝廷用簿書盡除執法吏昭洗萬方初  
臨江道中寄示仲毅叔和

萬里羈孤兩楚囚六年夢醒此來遊

丁未春與仲毅卜  
蛟陶然亭並得楚

囚之 安危竟繫江淮局歌哭何關畎畝憂兄弟飄零三

地淚干戈經歷兩年秋阿城猶滯歸田約夜雨瀟瀟古

戍樓

仲毅時  
在武昌

十年偃蹇校書郎鳴鏑彎弓赴敵場險路更添三日雨  
炎天渾似九秋涼亂餘身已非全物死去魂應識故鄉  
枹鼓已援形勢異一時處分恐倉皇

奉呈江廉使

忠源

三首

覓得疲驢試短衣尺書屢召敢頻違此生戎馬眞非分  
半夜星辰尙合圍天盡山川皆北拱秋深鴻雁漸南飛  
壯心自觸城頭角落木郊原景更非

民望 君恩日正濃書生持節要從容旄頭翼翼皆虓  
虎扇羽飛飛起臥龍要識土田歸禹甸誰令戈甲滿堯  
封蔽江雨檄紛馳下早晚澄清望倚筇

自是疏狂託 聖朝敢將羽翼附雲霄六州吳楚交兵  
氣八月江淮斷海潮長路干戈天蕩蕩十年鬢髮影蕭  
蕭 朝廷記錄吾何敢已辦揚雄作解嘲

瑞昌縣

山城賸有數家居黯黯人煙暮雨餘霜信漸催衡嶽雁  
兵烽愁及武昌魚經秋草木都非舊近寇村廬半已虛  
擬欲上書先痛哭可無頗牧備邊儲

烏石

連峯遞層陰闕壑淹晚景逶迤下平陸山勢始一騁林  
巒赴遠色檜柏交清影溪流晃晴沙照日光炯炯中有  
數家居林臥狎巖隱荒哉雲霧窟實接兵塵警始信天  
地間偏仄積榛梗自非沈昏士誰能越人境我家玉池  
顛芋栗亦時稔驚風吹浮埃危世難高枕橫流得一障

誓往從箕顓

九日

歲歲茲辰泛菊觴  
今餘淚雨灑衣裳  
斬黃形勝餘回合  
江漢波濤接混茫  
萬里秋風催短髮  
三年轉戰又重陽  
茱萸酒盡天涯會  
回首干戈道路長

漢川別江岷樵一兄鄒叔績三兄三首

桑弧甫能弦奔走  
歷燕越廿年朋  
好閒慘慘憂離別  
艱難見我友門戶  
有旌節生平伊呂志  
斟酌孫吳訣  
轉戰荆揚間  
塵土生巾髮  
我時負弩趨戈戟  
互出沒從來熊  
虎士用急戒顛蹶  
端持活國心  
蓄銳恣飈發  
旄麾雖眾

建未足資撻伐荷負良獨艱感念憂至骨

吾友鄒叔子滿腹藏詩書探篋得韜鈴荷戈走江湖厥  
初憂伏莽其微實土苴萬事墮冥冥轉進增艱劬時危  
烈士恥頗亦效馳驅故應干戈力驅迫到窮儒 皇仁  
無苛煩萬姓猶昭蘇波山且利涉有往輕崎嶇湘巖故  
息壤吾甘死耘鋤

微生如雁鷺友朋視性命避亂狎幽棲高臥息羣競自  
枉曾侯召偃蹇赴鋒刃晚隨二公遊夙昔有深敬短衣  
不掩骭罷憊豈能稱微銓照昏花歸駕風雨勁不能終  
執戟埽盪妖氛淨蒼然暮色至華髮滿明鏡

與海量

前歲曾畱海公榻園蔬廚果徹巖扉三年忽忽干戈滿  
一別茫茫信使稀風雨重來談夙約雲山畱待解朝衣  
蕭疏鬢髮君休問新自吳蒙帳下歸

黃翰周芭蕉畫幅

大葉麤根祇自肥朔風吹雪晚暉暉江邊舊記蕉雲閣  
細草寒莎冷鐵衣

覆鹿茫茫一夢過秋風木葉洞庭波中原豺虎驕橫甚  
灑淚殘燈憶枕戈

畫裏斜陽白髮生西窗添得晚來情何時淨埽階前石

養知書屋詩集

卷七

九

來聽瀟瀟夜雨聲

次韻周太學

開錫

蹉跎三十百無成  
乞取殘年望治平  
半世聲名殷浩在  
幾人慚愧褚淵生  
暑餘被甲東征怨  
夜半看天北斗橫  
盡括脂膏供轉餽  
爲君重唱羽林行

感事四首

漢家稗政固多端  
禍起黃巾一局殘  
江路經年猶燕處  
鍾山終古失龍蟠  
枕戈有暇籌防禦  
厝火何人策治安  
君看烽煙傳小警  
長途飛檄浩漫漫

詔書寬大惜黎元  
誰識軍興耗費煩  
經國要諳鹽鐵論

拜官先失政刑源錐刀析利徒爲擾閭里輸忠未敢論  
他日 廟謨誅卜式論才終愧漢公孫

妮妮徒令有識嗟老儒端委足疵瑕三年烽火餘孤憤  
萬里車書尙一家長使斯人在帷幄誰令奇禍暫萌芽  
神功聖德依然在劫火昆明會有涯

斗米招邀足禍胎衣冠塗炭有餘哀嬰城蘇峻原無策  
臨敵王恢亦是才要識奔隄緣蟻穴豈聞下詔覓龍媒  
景陽鐘動千官集未信人賢沒草萊

避地

避地逾三載開門對一峯曙晴風動竹夜冷月窺松薇



蕨甘長計蓬蒿屬老農春醪吾獨撫巖下水淙淙

哭江中丞

剖竹連圻總有名結纓猶是老書生江淮草木無完壘  
朝野衣冠有哭聲七葉兩京塵北顧九州一柱竟南傾  
孤臣間退今華髮日倚柴門涕泗橫

周氏媛山水圖歌

我聞荆關范巨妙山水絕筆林巒森萬里米家潑墨出  
新意疾鷹掠地長風起往時文采趙王孫流傳墨妙管  
夫人畫閣珠闌五百載丹青重展滄浪春叢山峩峩開  
半幅翠竹丹楓深結屋石泉落澗松亭幽寂無人聲風

響谷時危慘澹紛旌旄白日倒影蒼崖高莫放青山通  
世眼遊將去汝埋蓬蒿

辰山道中

衣冠今日厄山水去程賒負耜從爲客披榛卽是家嶺  
雲朝暮雨驛樹淺深花自古傷淪落青門亦種瓜